

K'ERI JURÁMUKUA MICHOKANI ANAPU, JURAMUKUECHA ENKAKSÍ JARHOJPEJKA JUCHÁARI P'INDEKUECHANI JUKÁPARHANTANI KA K'UMÁNCHUKUA ENKA JARHOATAJKA MUNISIPIQUECHANI, PINDAKORHEPANI KARÁKATA MA EKUATSE TÉMBENIRHU JURÁMUKUA MICHOKANI ANAPU KA KARÁKATA TÉMBENI TÁMU EKUATSE KA IÚMU JURÁMUKUA ÁNCHEKORHETIICHEERI MICHOKANI ANAPU, K'UMÁNCHUKUA JURÁMUKUA RÉESÍO ANAPU KA TSAKANI IRETA, KUNGORHEPARINI URHÉTSÍKURIICHA JINGUNI ENKAKSÍ ÚNTANI JAUÁKA TSIMANI EKUATSÍ KA IUMU T'AMU ANTÁPERHAKUARU K'UIRIPU P'URHÉCHEERI TSAKANI IRETARHU.

UANTÁJPASINTIKSINI

ARHINI TSIMANI EKUATSÍ KA IUMU T'AMU ANTÁPERHAKUARU, K'UIRIPU P'URHÉPECHEERI.

ISÍ UKUARHEATI:

MA.- Úatiksi incháni iámenu Piréiecha, orquesta arhikateecha, uarháriicha, ka banda arhikateecha, ireta P'urhépecheo anapuecha.

TSIMANI.- Karhánharhitarakua mitakata jarhásti i siránda uérhatini, terúxuti-ni jamberi, tembeni iúmu tsimani jurhiatiku oktubreeri kutsi jambérhi (17 oct). Isíksini kurhachesinha iámentu uarhariecha ka kústatiecha, eskaksi xarhini karakuarhiaka eska i siranda ná uantani jaka.

TANÍMU.- Úakajtsi karhánharheni: Tsakáni Ireheta Jurhámukuaru, ka Uantá-jpetarhakuaru: 452 527 8998, 452 142 2655 ka 443 183 6327.

T'AMU.- Uárháriecha enhaksi karákorheaka, jukáati siranda karákata: a) Náninkajtsi anápueski, b) Andí uarhanhasini, c) Káni uarhánhasini ka nénijtsi uarhákusini. Ma irieta jatsiati ma uarhari péerani, enha jurámukua irietarhu anapu sésikua íntsaauaka.

IÚMU.- Pirhéiechaksi uáti tsimani pirheani: ma uanajtsikukua ka máterhu piriekua (Sonesitu ka abajeñu), ma jatsisti pari jimpanhini enka cha úntaka; íntspentaakatsi karakata imá pirékua jimbánheeri.

KUIMU.- Kústatiecha orquesta arhikateecha jatsiatiksi tsimani ka tsimani kústanhaati: ma uanátsikukua ka materu abajenho arhikata, ma jimbánheuati enka cháari kustati ma úntaaka.

IUMU TSIMANI.- Kústatiecha banda arhikateecha tanimuksi arhíraati kústa-ni: ma obertura arhikata, uanajtsikukua ka ma abajenho arhikata, enka ma kúskakua jimbánheuaka enka cháari kustati ma úntaaka.

KURHÁTSPERAKUA

IUMU TANÍMU.- Kurhátspanhaati siranda:

- Sapíicha, jintéuati eska sáani kéri jatíruijka témbeni tsimani uexurhini (péerani siranda enha jatíruijka xépetarajka).
- K'eratiicha, uetarhiati eskaksi xerpeaka siranta kredensial arhikata ka p'itakata ma, enha xérpeni jauaka náki irieta jimpo anápueski.
- Uinínharitani iamú ampé siranta karákorhetarakuarhu.
- Siranta karákorhetarakua íntspenhantaati iame ambé jinkuni enha ixu kurhátspanhanhi jaka, tátsekua noteru ambé jíáretanhaati.

TS'EJPERAKUA

IUMU T'AMU.- Iámenu kústatiecha, piréiecha ka uarháriecha arisi petárhutperanhantaati:

A. Orquesta arhikateecha, banda arhikateecha, piréiecha ka uarháriicha, uénatiksi kústani, pireni ka uarhani témbeni tsimani atákuaru, jurhiatakua tembeni iúmu tsimani octubrini kutsi jimpo. Jankuarhintakajtsi xarhini janoni karákorheni eska i karakata ná arhíjka.

B. Kústatiecha banda arhikateecha andaperatiksi tembeni iumú tanimú jurhiátakeri octubre jimbo, t'amu atákuaru inchatiru anapu jimpo.

ANTÁPERAKUA

TÉMBENI.- K'amákurhikua ka tumina íntsinperhakua uénakuarheati iumú atákuaru inchatirhu, témbeni iumú tanimú jurhiatakueri octubre jimbo, imáni k'eri k'umánchekua "DR. MELCHOR DIAZ RUBIO" arhikata, irieta Tsakani jimbo. Íntspentaati antáperakua jurámutiicha lauánharhio anapuecha, ka Réesio anapuecha ka Jurámukua P'urhé Tsakani anapuecha.

a) Andáperakua engaksi íntsimpeaka K'umánchekua enka jarhopejka jucháari p'indékuechani jukáparhantani Michoakani anapu jindéuatiksi:

	PIRÉIECHA	KUSTATIICHA ORQUESTA ARHIKATEECHA	UARHÁRIICHA	KUSTATIICHA BANDA ARHIKATEECHA
1º LUGAR	\$ 15,000.00	\$ 21,500.00	\$ 21,500.00	\$ 40,500.00
2º LUGAR	\$ 13,500.00	\$ 18,500.00	\$ 18,500.00	\$ 34,500.00
3º LUGAR	\$ 12,000.00	\$ 16,000.00	\$ 16,000.00	\$ 29,000.00

- Intsimperakua "Domingo Ramos" \$18,500.00
- Intsimperakua "J. Santos Campos Aguilera" \$15,500.00
- Intsimperakua "Tatá Gervasio López" \$12,500.00

• Jauáti intsimperata ambé engaksi sapirhatiecha uarhájka, kústajka ka piréajka, enhaksi p'iuakua tatáka sapirhati P'urhéiecha.

• Antáperakua enka intsimperanhaaka tuminaeuati méjiku anapu.

b) Márueru k'erati antáperakuecha.

• Intsimperakata "Juan Manuel Maldonado Valencia" Intsinhaati uarhákua nemaenka sánderu sési p'indékuecha jingúni terúkuntaaka.

• Intsimperakua "Témbini ma andákua Tatá K'eri uarhári Tsakani anapu", enha íntspejka irékua Campos Salceda, Kúngorhekua TUMBIECHA ka Kúngorhekua Xcaret, enha íntsinhaaka némaenka sánderu sési p'indékuechani uinháperantaaka arhini uexurhini.

TÉMBENI MA.- Kústatiecha, Uarháriecha ka Piréiecha, jurhámutiiecha noksi p'irhíjkuati engaksi uandáaka, ísi jimbo sési erakunhaati enhaksi juchári pindékuecha jinguni terhúkontauaka.

TÉMBENI TSIMÁNI.- Enka ampe ma ixú no jukánharhika, sési jatsíntsanhaati engaksi arhini antáperhakua úrhérkuni jaká ka Jurámukua Tsakani anapu.

TÉMBENI TANÍMU.- Enhaksi antáperakuani antárichani exeni jauaka, kuimu k'uiripueuati enhaksi kánejua míteakja kúskakueri ka uarhákua p'urhéeri ambé. Intéksi uantántati jauati sirántarhu ma Ueiamuo anapu jurámutiichani néenkaksi antari ueraaka ka iamentuksi kuirhunharhikuni jauati inténi sirántani.

MÁTERU AMBÉ

Iámenu enkaksi andáperhakuarhu juuáka íntsinhaatiksi t'irhékua ka naní engaksi pakáraaka k'uini. Tirhénhaati tíosoo péxu ka k'uínhati K'umánchekua jurhénperhakuarhu.

Tsakani Ireta P'urhépecheo, agostu kutsi ka uéxurhini 2022.



#ViveLaCulturaEnMichoacán



Secretaría de Cultura
GOBIERNO DE MICHOACÁN



Gobierno de Michoacán
HONESTIDAD Y TRABAJO